



Eineltisáætlun Dalvíkurskóla 2018-2019

Skilgreining á einelti



Einelti er þegar einstaklingur verður margendurtekið og á afmörkuðu tímabili fyrir aðkasti frá einum eða fleiri aðilum (Olweus 1993).

Nánari upplýsingar eru á eftirfarandi slóðum:

<http://olweus.is/wp-content/uploads/2013/11/Einelti.pdf>

<http://www.persona.is/index.php?action=articles&method=display&aid=67&pid=23>

Heimasíða Olweusarverkefnisins á Íslandi: <http://www.olweus.is/>

Yfirmarkmið



Við líðum ekki einelti

Markmið skólans er að allir starfsmenn og nemendur séu

meðvitaðir um hvað einelti er, hvernig það birtist og samræma viðbrögð við því.

Við leggjum ekki aðra í einelti og notaðar eru ákveðnar aðferðir til að vinna gegn því.

Einelti er ekki liðið undir neinum kringumstæðum og flokkast sem brot á skólareglum.

Allir eiga að vera vakandi fyrir líðan og félagslegri stöðu nemenda og starfsfólks.

Stefna

Einelti er ekki liðið í Dalvíkurskóla. Með því að styrkja samvinnu milli nemenda annars vegar og nemenda og starfsfólks hins vegar minnkum við líkurnar á einelti. Í okkar skóla koma allir öllum við, því gerum við athugasemdir við óásættanlega hegðun.

Hlutverk eineltisteymis Dalvíkurskóla


Fjórir starfsmenn skólans sitja í eineltisteyminu þar af einn stjórnandi. Teymið fylgir eineltisáætlun Dalvíkurskóla, heldur reglulega fundi, er með fræðslu um eineltismál og heldur þannig áætlun skólans lifandi. Það ber ábyrgð á framkvæmd áætlunar, heldur fundargerðir, sér um fréttir á heimasíðu og upplýsingar til heimila. Teymið er ráðgefandi fyrir starfsfólk skólans, nemendur og foreldra/forráðamenn.



Starfsfólk skólans, foreldrar/forráðamenn og nemendur þurfa að standa þétt saman í að uppræta einelti.

- Fræða og endurmennta starfsfólk um Olweus.
- Endurmeta og kynna eineltis- og aðgerðaráætlun fyrir starfsfólki, nemendum og foreldrum/forráðamönnum þeirra.
- Fylgja því eftir að starfsfólk vinni eftir ákveðnu ferli þegar eineltismál koma upp.
- Hafa eftirfylgni með eineltismálum.

- Vera með markvissa fræðslu, hóflegi og að eineltishringur sé öllum kunnur.
- Halda reglulega bekkjarfundum og gera bekkjarsáttmála sem miða að bættum samskiptum nemenda.
- Fylgjast með samskiptum nemenda á skólatíma.
- Vinna að bættri hegðun og framkomu samkvæmt vinnuaðferð uppbyggingarstefnunnar.
- Stuðla að samvinnu og virku upplýsingaflæði milli heimilis og skóla.



- Sýna sjálfum sér og öðrum virðingu og tillitssemi.
- Fylgja skólareglum og bekkjarsáttmálum á skólatíma.
- Láta vita ef þeir eða aðrir verða fyrir einelti.
- Taka afstöðu gegn einelti og koma öðrum til hjálpar.



Ferli eineltismála

Ef grunur er um einelti í Dalvíkurskóla skal fylgja ferli eineltismála sem sjá má á eftirfarandi slóð:
<http://www.dalvikurbyggd.is/resources/Files/Grunnskoli/Eineltisteymi/grunur-ferli15-16.pdf>

- Ef starfsmaður verður vitni að einelti skal hann stöðva atvikið og tryggja öryggi þolenda eins og kostur er, afla upplýsinga og láta umsjónarkennara viðkomandi nemenda vita.
- Umsjónarkennari ræðir við viðkomandi aðila, hringir heim og lætur alla vita sem koma að nemendunum.
- Ef eineltið er viðvarandi ber umsjónarkennara að leita til eineltisteymis, skal þá teymið taka þátt í lausn málsins. Eineltisteymi ber að fylgja málinu eftir þar til viðunandi lausn finnst.
- Ef upp kemur einelti í bekk er mikilvægt að auka fræðslu og hópefli í bekknum, ræða alvarleika málsins, líðan málsaðila og viðbrögð við því. Þá er mikilvægt að upplýsa forráðamenn í bekknum um málsatvik. Ef foreldrar þolenda og gerenda ná ekki saman á umræðu-grundvelli skal máli vísað til eineltisteymis.
- Nauðsynlegt er að vinna með hegðun þolenda og gerenda til að brjóta upp ferlið og stöðva neikvæða hegðun. Ef þurfa þykir skal leita sérfræðiaðstoðar.
- Tryggja þarf gott upplýsingaflæði milli starfsfólks.

Fyllsta trúnaðar skal ávallt gætt við úrvinnslu mála og unnið er í samráði við þolendur, gerendur og forráðamenn.

Eftirlit og mat

- Könnun á umfangi eineltis í 4.-10. bekk skal leggja fyrir á haustdögum á hverju skólaári.
- Þegar niðurstöður eineltiskönnunar liggja fyrir endurskoðar eineltisteymið aðgerðaráætlun sem hún vinnur eftir.
- Eineltisteymið sér um að unnið sé eftir eineltis- og aðgerðaráætluninni og endurskoðar í byrjun skólaárs.
- Á hverju ári eru foreldrar spurðir um líðan nemenda og látnir meta stöðu eineltismála við skólann í tengslum við sjálfsmat skólans.
- Eineltisteymi upplýsir starfsfólk skólans um þá nemendur sem teyminu hefur verið tilkynnt um og séu hugsanlegir þolendur og gerendur eineltis.

Samþykkt í eineltisteymi 20.september 2018

*Einelti kemur öllum við
hjálpumst að og verndum börnin okkar.*